

Na osnovu člana 56. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05) i Zaključka Vlade Federacije BiH, V. broj: 1273/2019, federalni ministar raseljenih osoba i izbjeglica, **objavljuje**

JAVNI POZIV
za prikupljanje prijava za zaključivanje ugovora o djelu

Naručilac posla, Federalno ministarstvo raseljenih osoba i izbjeglica, poziva zainteresirana lica, koja ispunjavaju uslove iz ovog poziva, u svojstvu izvršioca posla – popisivača za potrebe realizacije Projekta „Mapiranje porušenih/izgrađenih stambenih objekata u povratničkim zonama“, za podnošenje prijava za zaključivanje ugovora o djelu.

Lica angažovana po osnovu ugovora o djelu će vršiti poslove evidentiranja obnovljenog/neobnovljenog stambenog fonda raseljenim osobama, izbjeglicama i povratnicima, demografskim promjenama, socijalnom i ekonomskom statusu i korištenim donacijama na području opština Srebrenica i Osmaci i unos prikupljenih podataka u informacioni sistem.

Broj izvršilaca 13 (trinaest).

Kandidati moraju ispunjavati sljedeće uslove:

- Minimalno SSS;
- Poznavanje rada na web aplikaciji*
- Prednost imaju kandidati sa područja regije Srebrenica i Osmaci, odnosno koji poznaju teren/geografsko područje regije Srebrenica i Osmaci;

*odabrani kandidati će proći program obuke za rad u GIS aplikaciji.

Prijave sa biografijom, dokazom o završenoj stručnoj spremi i PBA-3 obrascem dostaviti lično ili putem pošte, preporučeno, na adresu: Federalno ministarstvo raseljenih osoba i izbjeglica, ul. Hamdije Čemerlića br. 2, 71 000 Sarajevo.

Prijave se dostavljaju u roku od 15 dana od dana objavljivanja ovog poziva na internet stranici Federalnog ministarstva raseljenih osoba i izbjeglica www.fmroi.gov.ba i oglasnoj ploči Federalnog ministarstva raseljenih osoba i izbjeglica.

Nepotpune, neuredne i neblagovremene prijave neće se uzimati u razmatranje.

Broj: 02-14-1542-2/19
Sarajevo, 13.11.2019. godine



MINISTAR

dr. sci. Edin Ramić